

義烏縣志

卷卷
十五
四

義烏縣志目錄

義烏縣知縣王廷曾手編

舊序凡例見前

卷首

縣圖

圖說

縣境圖

縣治圖

縣署圖

廟學圖

八鄉圖

鄉各一圖

卷之一

疆域志

建置

形勝

界至

城池

鄉隅

卷之二

巖壑志

山

水

卷之三

營立志

署廨 附廢署

坊表 附廢坊

橋渡 附廢址

卷之四

學校志

廟學 位置署衙 祠

沿革 田倉器籍 書院 附廢址

卷之五

祠祀志

秩祀 延祀追祀 專祀 合祀 思祀

丘墓

卷之六

典禮志

儀注

士庶禮

歲時

風俗

卷之七

賦役志

戶口

田土

貢稅

格前

格後

徭役

卷之八

利病志

水利

土物

礦防

民兵
附丐俗

卷之九

官師志
前

職官

縣職
學職

卷之十

官師志
後

宦蹟

縣蹟
學蹟

卷之十一

人物志

選舉
前制科表
武科表

卷之十二

人物志

選舉
後諸科表
武職表
封蔭表

卷之十三

人物志

前修
上名臣
理學
孝友
志節

卷之十四

人物志

前修 中 儒林 政事 文苑 武功

卷之十五

人物志

前修 下 實行 隱逸 方技 寓賢 列女

卷之十六

見聞志

災祥

古蹟

遺事

卷之十七

方外志

僊釋

寺觀
附廢址

卷之十八

枕文志

編類
文

卷之十九

枕文志

編類文

卷之二十

秋文志

編類詩附編

義烏縣志卷之十四

人物志 中

儒林

儒之名肇於孔子故宋以前諸史惟傳儒林卽近代
名山藏諸編亦惟列儒林茲以師承有緒者次入理
學而先後以學自見者仍目儒林蓋自明隆萬以來
至於

國朝亦有一二卓爾者殆非若舊志所云寥寥矣

宋

傳寅學者因其所居稱之曰杏溪先生古舊志原傳竝

本黃潛記今載原文於下

黃潛杏溪祠堂記 杏溪祠堂者鄉先生傳公之祠也先生諱寅字同叔幼嗜學經史百家悉能成誦比長益求異書而讀之閒從說齋唐公質疑問難皆有援据可反復說齋喜曰吾益友也及聞其升陞分陝之說語門人曰職方輿地盡在同叔腹中矣先生于天文地理明堂封建井田律曆兵制之類世儒置而不講者靡不窮究根穴訂其譌謬資取甚博參驗甚精事爲一圖累至于百號曰羣書百攷大愚呂公闢其舛貢圖攷曰是書可謂集先儒之大成矣揭其圖請申言之而坐諸生以聽且曰以所能者教人所不能者受教于人理之所在初無彼此先生亦樂爲之盡疊疊不倦先生于交中子人不里居地不井授終苟道一章屢嘆息而言周禮太平之書于昔九等授田家給人足泉府之設特以備凶荒未必常用也况

是書體有本末用有先後若大綱不舉而獨行所謂國服爲息者是猶取名方中百品之一而服之及其害人則曰是藥出于名方云爾常恨熙寧諸賢未有如此辨之者故百攷之書于成周之授地賦兵封國制軍增地制域畝步溝洫稼穡貢賦特詳焉亦足見先生之學可措于實用而非虛談矣先生又嘗徧游江淮縱觀六朝故迹南北形勝詢諸史牒而得其成敗廢興之故歷歷如指諸掌是豈徒以登臨之適爲快也哉先生之教人每謂下學上達自有次第不先其近者小者而驟語其遠者大者後生淺薄學益不實故于小學尤所留意來學者恒以百數必先授以曲禮內則小儀鄉黨諸篇使于日用之間與義理相發明而知道之與器未始相離也先生論古軍制纖悉備舉而不欲人讀兵書曰胷中無論語孟子爲權衡遽聞譎詐之言則先入者爲主害心術矣此先生之所學與所以教之大方也先生世居婺之義烏父孝儼篤行君子母樓氏禱于石姥山而生先生骨秀神聳蚤有器識事親孝謹處兄弟子姪均一無間鄉

閭有事輒以身任之非公事不至官府縣長吏之賢者必造而問政言無所隱人有陰被其賜而不知者里居之日與馬公師文孫公居敬爲同志永嘉戴公少望聞先生名奉贄願交大愚在朝行數稱先生之文學行義彭公子壽章公茂獻葉公正則吳公德夫汪公季路黃公文叔黃公商伯無不推敬文叔欲與同列奏補以官知先生不可屈乃止惟館于商伯最久賓主之間日以義利相箴切不爲無益語他所與游亦皆顯人至其爲臺諫爲執政則絕不與通先生旣不有仕祿又不屑治生業商伯持浙西庾節遺以錢五十萬先生悉散於宗族鄰里一無所留晚益貧郡守孟公聞而嘆曰不可使賢者飢餓于我土地乃輟俸貲倡其親友爲買田築室于東陽之泉村而先生遂爲東陽人于是大愚及一肯名公皆在黨籍相繼放逐先生亦杜門不復出矣先生好爲詩閒遠古淡有陶靖節邵康節之風焉子七人皆克紹其家學大東尤敦慤克肖其德大原試潛闡爲本經第一先生旣遣猶子定受業朱文公之門得其微言奧旨歸

與諸弟其講而大原亦從慈湖楊公游楊公亟稱之
程子謂君子教人有序非先傳以近者小者而後不
教以遠者大者先生之所以教皆程子之遺意也先
生年六十有八以嘉定八年卒于家後百二十年曾
孫師蒙師佐懼人易而世疏乃卽家建祠歲皆以享
祀燕私合其族祭主于先生者始遷之祖也上援其
父者明有所本也下及其子者示有所傳也堂成于
重紀至元之二年師蒙已卒因以侑食堂師蒙作也
祠室堂軒爲間者三翼以齋廬爲間者六有田三十
畝子孫更掌之以供祠事師蒙兄子似翁將圖其永
久爰以狀來謁記且曰祠之作本以寓子孫追遠之
意而邑之士友以爲古者鄉先生歿則祠于社其禮
久闕弗講乃相率爲文以祭牽聯得書屬序其興作
而首著先生學術源流之懿者庶幾後人知所矜式
也來者能聞風而興起焉則是祠也有功於名教甚
大奚止可以合其族而已乃如其言并書之 百考
僅成七十今行於世者三十二說齋
名仲友大愚名祖儉定大原見理學

元

黃潛字晉卿其先由浦江徙義烏母夢大星煜煜然墜

懷乃有娠歷二十四月始生幼俊異善文嘗著弔諸

葛武侯辭劉應龜見而嘆曰吾鄉以文鳴者喻叔奇

兄弟耳此子其將與之抗衡乎因留受業延祐元年

登鄉舉二年登進士第授將仕郎

潛明習法令所至以治狀稱逢恩者

一減資者五銓曹或失於收敘亦不言

累官翰林直學士知制誥尋陞

侍講學士修宋遼金三史

潛少所許可其裁定國史筆削無所阿兼修三史凡

朝廷大詔令大制作皆屬之

知經筵事進階中順大夫至正九年

上章求歸不俟報而行帝聞之遣使者追還京師復

前官十年懇上乞身之請始得謝而還七年卒

湣年強仕

卽獨止齋榻左右
給侍惟蒼頭二

贈中奉大夫江西行中書省參知

政事護軍追封江夏郡公諡文獻所著有文集五十

卷今行於世者二十三卷日損齋稿五十三卷

一作初稿

三卷續稿
三十卷

筆記一卷義烏志七卷危素稱潛論著譬

之澄湖不波一碧萬頃蛟龍百怪潛伏不動而淵然

之色不可犯

與柳貫虞集揭傒斯號四傑門人
劉涓王稭朱濂傅藻皆有名於世

濂贊

云當六合混一之胥鍾河岳英靈之氣肇開科卽以